

四部叢刊

後村先生大全集(六)

216

四部叢刊初編集部

後村先生大全集

六

卷一百六十四至卷一百九十六

據商務印書館一九二六年版重印

四部叢刊初編(二二—二二六)

後村先生大全集(六冊)

宋劉克莊撰

上海書店印行

上海福州路四二四號

上海影印廠印刷

1989年3月

後村先生大全集卷之一百六十四

墓誌銘

陳處士黃夫人

余友陳霆砮叔求余銘其母黃夫人之墓余以耄荒
久菁華竭辭砮叔求不怠語益悲歲晚走長鬚遺余
書信夕夢偉丈夫責霆曰汝為母乞銘而遺其父孝
子固如是耶霆驚悟乃論次二親言行飭長鬚守余
門必得銘乃歸君陳氏名龜朋字錫公世為永福人
曾大父時升大父宗亮特科終南城尉父泰隱德不
仕君生於淳熙庚子其曾祖姑嫁倫魁蕭公國梁女

適鄉先生方君家君館之于塾帥里之經生學子數
百人師焉治禮記改賦與同袍課試不魁則亞惟大
比輒遺賢君稍厭科舉經自注疏至諸儒疑難問答
史自左馬班范至凍水治鑑蜀李長編皆手校口誦
傍註群疑已見不足則書紙背謹楷如一率雞鳴起
丙夜始就枕雖病猶以某冊某卷脫誤某字未塗改
為恨疾革語婦曰善視吾子又顧霆曰好讀書我窮
坐命非以書故言訖而瞑得年四十三嘉定十五年
五月某日也君之學雖不見於用然月旦之評以為
善人里有忿競君居其間出一言皆失所爭而去以

某年月日葬君于某鄉某里某山之原黃夫人亦邑名族事舅尤孝敬夫如賓既寡家貧子幼或云人生頃刻耳何不它求樂處夫人曰吾已婦陳氏矣復何言益杜門自誓夜課兒書常燒松明葺蔭芋以待之琅琅成誦乃止稍長則聘名師躬烹魚以為先生饌謂其子曰汝父辛苦如耕未收收必在汝後鉉叔擢第游官至改秩夫人澹然不色喜惟聞其南宮奏賦丹山翁公所取又聞京狀破白抑齋陳公所薦為一開顏鉉叔注上杭令將上以風聞寢夫人亦無戚容久之今上龍飛或勉鉉叔為親求仕母子戀戀不忍

捨咸淳初元夫人年七十有七矣猶能穿細針截大
截人以為壽者相夏五感上氣疾小瘳復劇遂以
閏月十六日卒二子霆霖霖宣教即前四月卒夫人
哭霖之哀始哀一女嫁某人早夭其年八月壬午
叔以夫人合祔于父墓姪叔當以登極慶霈轉陞朝
君與夫人皆當封贈而未沾恩命然君夫婦自立有
不可泯沒者按古書法仕者稱爵隱者稱逸民處士
書君曰處士書黃曰夫人蓋實錄云嗟夫人之生子
患其不賢且才賢且才如姪叔而曾不少遂其顯揚
之志豈文章者固天之所甚各才學者固人之所甚

慕歎然欲叔詩可以廣明良喜起之歌文可以居討論潤色之任庸詎知屈於暫者不伸於久齟齬於前者不遇合於後歟處士夫人之所雙誥燎黃萬家守冢行有日矣銘曰夫人之藏賢子自誌事母日長記載詳脩處士之沒子方十歲追述先美如昨日事子厚遠矣欲叔可繼吾銘斯所以詔來裔

我軒何君

近世為國家立大功名人惟抑齋陳公門下士雜還其大去為名卿將小者各扳附尺寸致通顯歲晚者內釋釣樞外解鈇鉞余嘗訪烏門館蕭然翟廷尉衛

將軍之客皆去其終始留公門下者惟我軒何君君名謙字光叔世為莆人抑齋守莆廟論將付以邊事公求士於復齋陳公可托死生患難者陳公以君薦遂與同載抑齋為閩招捕使帥江東西以元樞兼湖廣大使晚建鄉閭君無一日相捨凡平寇誅叛奇謀秘計皆預然事主忠持身潔他賓佐部曲或為人竊議惟君自兵若民自士大夫至兒童走卒莫得而疵及妄校尉皆貴君絕口不言勞抑齋強君受武爵君與人書疏未嘗署銜抑齋重客如坦翁唐公警齋吳公遂初潘公尤獎重庸齋趙公久軒蔡公爭論薦竹

溪林公為書我軒扁帥矩山徐公右心江公欲辟置
不果君事繼母孝敬疎財而急義性孤介口不言錢
惟嗜詩如飴蜜余嘗記其父抑翁之阡及跋君吟卷
評君父子之詩詳矣或謂余多可余曰君論人顯晦
余論詩工拙後必有知者君素强健近遺余書趣所
作亦齋隧碑未數日間君不疾而逝咸淳丙寅十一
月十一日也得年七十配張氏子一某承節郎淮西
憲屬先卒二孫志學志堯俱業進士以其年十二月
十二日塋于懷安縣八坐鄉裡下里崇福山之原仕
至成忠郎監福州作院不書非君志也世系見抑翁

碑銘曰 觀其當岌岌之際觀其處寂寂之際其賢學者之所愧其詩作者不能廢

丁宋傑

宋傑名南一莆士多能賦而丁氏最盛曰伯杞字元有曰伯梅字元作曰伯桂字元暉尤擅名每一篇出萬口贈炙後元暉貴顯為端平御史歷給事中元作早卒元有內舍奏名矣未解褐而卒即宋傑父也宋傑幼機警誦前漢書日萬字給事奇之曰吾家白眉也年十三有聲鄉校拔寶慶乙酉漕解端平丙午胄薦乙未南宮中鵠矣屬同知舉蔣公重珍以病卒出

監試殿院公王遂代之易以他卷逮癸丑春始奏名
別院廷試以累舉恩陞丙科調福州懷安尉邑人謂
宋傑清談書生爾於吏事未必諳悉而宋傑燭情偽
摘姦伏若素官然公族有僦居以婦墮胎誣屋主者
宋傑辨為藥胎民有負逋自經者子訟債主宋傑曰
汝父縊死矣誰斷其舌搜其家得舌於園某家女
奴溺死父訟主家宋傑曰兩手有泥沙自溺也兩造
皆伏然不善事上官以憲劾去監南嶽廟監廣州東
莞縣稅務經略謝公子強曰司征非所以免儒者將
別有所處宋傑辭去尉卒捕盜盜兄以為辱已捶第

至死誣失主殺之宋傑辨失主與盜未嘗交手篤師
晒衣墮水急下取之溺死母訟舡主宋傑視尸衣果
在手二訟皆息謝公薦宋傑於朝會以職事忤上幕
又以憲劾去貧不能出嶺嶠南士人率子弟行束修
師事焉漕南谷鄭公協手書以瀛泉山長延致陽巖
洪公天錫繼至嘗與宋傑同漕薦檄攝海陽丞州學
教授兼文公元兩公書院山長又餞以詩云向曾預
薦君偕我老更能勤我愧君郡守游公義肅九巖冷
然待宋傑獨厚潮士方喜得師宋傑以悼亡歸官意
闕矣宋傑少時謂功名可立致已而同袍子多先登

躡進宋傑胷中浩然者蟠屈無所施稍自放於酒其文章有氣骨自在紙上皆現光惟飲酣耳熱向人舉揚鋪說音節忼慨抑揚蹈厲神色自得不知者以為傲惟余常哀其頓挫而猶幸其老而壯窮而堅也初竇齋與給事同臺及典舉失宋傑出院還臺間宋傑家塾書聲甚苦大悔之別頭考官歐陽起鳴得宋傑賦擊節始擢第然其年五十七矣余觀吾里艾軒圃山兩貳卿皆策名晚而致身速意乘除之理則然惟宋傑仕十餘年人以材名遇合宋傑以才名困厄不改頭銜而死則有不可解者然以旁達論人淺之乎

為大夫者黃注夢升一主簿耳歐陽公銘其墓反
復嗟惜其意氣尚在文章未衰穆修伯長一參軍耳
章聖聞其詩名而尹師魯兄弟師其古文然則宋傑
之所自立者豈以位卑祿薄而遂泯沒哉宋傑於所
居闢一室方僅如斗扁曰斗軒後有隙地蒔花灌蔬
丙寅初度語諸子吾今七十諸父所無可為丁氏破
荒死亦何憾俄苦上氣疾預處後事語諸子善持門
戶娶陳氏以勤儉相君子前卒三子長國老次壽老
後弟南英次侑老後弟監舶南叟二女貢士黃仲元
林履孫其婿也生以慶元丁巳七月二日卒以咸淳

丙寅十一月六日葬以咸淳丁卯正月三十日與陳
孺人同穴墓在惟新里樟林傳籥之原宋傑性孤介
少所推下余嘗交其二父皆銘其所宋傑無恙時彙
給事諫草將付梓屬余序之余病眊未果為宋傑且
死命其子來責諾且曰我埋辭併以累此翁余既撫
實納銘宋傑壙中又將序諫草以踐前言其世系已
見二父誌銘曰以為難兮或搏扶而直上以為易
兮或分寸之莫攀猗宋傑兮彩翠如孔鸞盍冲於霄
漢兮誰鍛其羽翰埋斯人於黃壤兮巨靈瑟縮而不
安吾間賢有後兮天好還竭末生兮謝宗盛攸或出

兮荀氏蕃嗟嗟宋傑兮雖齋志於九原有珠樹之競
秀兮必丹桂之高攀

羅晉伯

進賢羅氏上世有德於里人其後愈蕃而大君名晉
字晉伯曾祖俊傑祖諤奕世長者父應積善以耆年
授迪功郎母萬氏封孺人君蚤從驪塘蟾塘二危公
鎮和蒙堂柴公中守東谷歐陽公鎮學游鄉校有能
賦聲秋賦輒不售迪功年寢高君嘆曰吾親老矣
幹蠱非子職乎遂罷舉求志專以訓子娛親為樂迪
功夫婦命服坐堂上君率子孫萊衣欄班拜舞堂下